



30 de novembro de 2010. O concello de Padrón, desouvindo o requerimento de Augas de Galiza que lle insta a non dar licenza para a planta de formigón no polígono de Pazos, pretende dar licenza e consolidar as [irregularidades administrativas](#) como tidas na tramitación desta instalación. Augas de Galiza acordara abrir

expediente sancionador

a Xestur, concesionaria do polígono, por recheos na zona de policía do río Sar. Alén disto, estas obras que afectan ao espazo protexido do LIC Ulla-Deza tampouco contaron co preceitivo informe de Conservación da Natureza nen con avaliación ambiental. A empresa, "Hormigones Taboadela", subministra formigón para as obras do ave e solicitou licenza para unha actividade "temporal", exactamente 23 meses, para eludir a obrigatoriedade da avaliación que fixa o Decreto 133/2008 (que substituíu ao RAMINP), necesaria se a fatoria vai ter unha actividade superior aos dous anos (24 meses).

[Alegacións CEMENTEIRA PAZOS \(139 Kb\)](#) Alén disto, o concello de Padrón non contemplaba a autorización para o uso como fábrica de formigón da parcela nº 78 no case baleiro polígono de Pazos. A sorprendente celeridade coa que estase a tramitar esta obra por parte do concello, a sospeitosa duración da actividade (23 meses), xusto 1 menos que e o preciso (24 meses) para pasar o trámite ambiental, e o expediente de Augas de Galiza, que deberían servir para que o concello de Padrón fixera caso á Xunta e denegara a licenza. Todo fai pensar, pois que estamos perante a tramitación irregular dunha actividade contaminante con vocación de permanencia en Pazos. Isto último deducímolo tamén do propio proxecto visado e presentado pola promotora, "Hormigones Taboadela, S. L.": "El objeto del presente proyecto es el diseño de cimentaciones en instalación temporal (para un año y once meses) de una planta de dosificación de áridos y cementos quedando prevista de conjunto de amasado para uso futuro".

ADEGA solicita á Xunta e ao concello de Padrón que **respecten a lexislación de protección ambiental** e a salvagarda da saúde pública, en troques de aproveitar fendas legais para "pontear" o procedemento e favorecer unha determinada actividade.

Finalmente, ADEGA expresa a súa

solidariedade e apoio

ás reivindicación dos veciños e veciñas de Pazos. Nen o AVE nen ningunha infraestrutura pode estar por riba do dereito á saúde e ao medio ambiente da cidadanía!